

# Powšitkowne WOZJEWJENJA

njedźelu, 19. meje 2019

## Program k projektej „Swětło pozbudža“

We wobłuku wumělstwoweho projekta „Swětło pozbudža“ su zajimcy sobotu, 25. meje, do Budyskeje tachantskeje cyrkwy na ekumenisku hudźbnu nóc přeprošeni. Mjez 20 a 23 hodź. wustupja chóry, skupiny a hudźbnicy katolskeje a ewangelskeje wosady swjateho Pětra na rozdźělnych městnach w tachantskej cyrkwi. Tež woboje pišćeले tohorunja zaklinča. Cyłkowy program projekta „Swětło pozbudža“ je pod [www.posol.de/wozjewjeny](http://www.posol.de/wozjewjeny).

## Nalětni koncert Lipy

Wšitkich zajimcow zbliska a zдалoka přeprošuje chór Lipa zhromadnje z Křesćansko-socialnym kubłanskim skutkom na nalětni koncert, kotryž budže njedźelu, 26. meje, w 15.30 hodź. na zahrodze Zežiwjenskeho a zeloweho centruma w klóštrje Marijinej hwězdze w Pančicach-Kukowje. Program wuhotuja Lipjenjo a česka skupina Lidová. Wot 15.00 hodź. poskića tam kofej a tykanc.

## Putniska jězba do Ukrainy

Putniska jězba do ukrajskeho Lwiva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu swojich stawiznow přežiwiło pólske, rakuske, sowjetske a němske knjejstwo. Wobdžělimy so na swjatočnej Božej mši po grjeksko-katolskim wobrjedze, wopytamy mniši klóšter w Uniwje, wobhladamy sej katolsku uniwersitu, póndžemy do opery a zetkamy so z wěriwymi woneho města. Změjemy přewod domoródnego kulturnika a duchownu podpěru Bačońskeho fararja Gerata Wornarja. T. Kubašec

## Serbske kemše w Drježdžanach

Drježdžanscy Serbja su na maćernorěčnu Božu mšu njedźelu, 26. meje, w 16.00 hodź. do cyrkwy swjateho Antonija w Drježdžanach-Löbtauwje, Bünauska hasa 10, pře-prošeni. Kemše změje farar Gabriš Nawka. Božej mši přizamknje so zetkanje w tamnišej wosadnicy.

## **Wotjězd busa wulěta samostejacych**

Za wulět samostejacych přichodnu wutoru, 21. meje, su hišće někotre městna swobodne. Štóž chce hišće rady sobu do Noweje Cale jěć, njech so hač do pónđzele, 20. meje, w 10 hodź. w redakciji Katolskeho Posoła přizjewi, telefonowe čisło (0 35 91) 55 02 12.

### **Bus pojedže po slědowacym planje:**

- 7.00 hodź. Radwor (pola Šmitec)
- 7.05 hodź. Čorny Hodler (napojowe wiki)
- 7.20 hodź. Chróscicy (Krawčikec)
- 7.25 hodź. Kukow (pomnik)
- 7.30 hodź. Worklecy (bus. zastanišćo)
- 7.35 hodź. Nowa Wjeska (bus. zastan.)
- 7.37 hodź. Haty (bus. zastanišćo)
- 7.40 hodź. Hrańca (bus. zastanišćo)
- 7.42 hodź. Hórki (bus. zastanišćo)
- 7.45 hodź. Dobrošicy (křiž. směr Sernjany)
- 7.50 hodź. Sernjany (křiž. směr Nowoslicy)
- 7.55 hodź. Ralbicy (bus. zastanišćo)
- 8.00 hodź. Łazk (bus. zastanišćo)
- 8.10 hodź. Konjecy (bus. zastanišćo)

### **Přidatny mały bus k dowoženju:**

- 7.30 hodź. Wotrow (bus. zastanišćo)
- 7.40 hodź. Njebjelčicy (bus. zastanišćo)
- 7.45 hodź. Serbske Pazlicy (bus. zastan.)
- 7.55 hodź. Pěskecy (kapałka)